

Newspaper	UTUSAN MALAYSIA
Date	2 MARCH 2015

Najib puji semangat belia Melayu

um - 2/3/2015

Oleh KAMIL MASLIH
pengarang@utusan.com.my

KUALA LUMPUR 1 Mac. - Datuk Seri Najib Tun Razak melahirkan rasa bangga terhadap semangat yang ditonjolkan oleh goiongan belia yang menghadiri Perhimpunan Perpaduan Melayu di Stadium Putra Bukit Jalil di sini semalam.

Menurut Perdana Menteri, semangat yang ditonjolkan oleh masyarakat Melayu pada perhimpunan itu meyakinkan beliau bahawa bangsa Melayu akan terus melangkah menjadi bangsa yang disegani di mata dunia.

"Namun, Melayu tidak harus leka, Melayu perlu terus melangkah maju dan berdikari. Kita perlu tingkatkan usaha melatih orang Melayu menjadi bangsa berpengetahuan dan mengukuhkan ekonomi mereka.

"Kita perlu mempejuang kepentingan agama Islam dan syiarinya, mempertahankan institusi raja Melayu dan keistimewaan orang Melayu, menegakkan maqasid sya-

riah dengan bersikap sederhana, menjaga nilai-nilai mumi dan menjaga institusi keluarga," katanya dalam satu kenyataan di laman Facebook miliknya hari ini.

Semalam, Najib dalam Perhimpunan Perpaduan Melayu yang dihadiri 20,000 peserta telah menggariskan tujuh amanat utama sebagai panduan untuk bangsa Melayu melangkah maju pada abad ke-21 untuk menjadi kuat, hebat dan bermaruah.

Dalam status Facebook miliknya itu, Perdana Menteri turut memuat naik beberapa gambar beliau pada majlis itu termasuk bermesra dengan para hadirin dan menunaikan solat Maghrib berjemaah.

Menurut Najib, panduan yang digariskan itu perlu dijadikan wadah perjuangan yang dapat memajukan lagi bangsa Melayu.

"Saya yaldn seandainya kita kekalkan keutuhan perpaduan dalam kalangan kita dan berusaha ke arah memajukan bangsa, tiada apa yang tidak mampu kita kecapai bersama," katanya.

M
Kita perlu mempejuang kepentingan agama Islam dan syiarinya, mempertahankan institusi raja Melayu dan keistimewaan orang Melayu, menegakkan maqasid syariah dengan bersikap sederhana, menjaga nilai-nilai murni dan menjaga institusi keluarga."

NAJIB TUN RAZAK
Perdana Menteri